

憎會苦猶如有人觀於牢獄禁繫枷鎖揣以  
 為憂善真人道士亦復如是觀於六道一切  
 衆生皆悉怨憎合會為大苦惱復次善男子  
 譬如有人常畏怨家捨棄父母妻子產業服  
 具而逃逃避善男子真人道士亦復如是恐  
 懼生死具足修行尊六度行求於无上道果  
 善男子是名真人道士修行元陽上品大乘  
 經典觀於怨憎苦善男子云何真人修行元  
 陽上品大乘經典觀於衆生求不得苦一切  
 衆生盡求不得盡求者有二種義一者求善  
 法不得二者求不善法未得苦惡法未離苦  
 是則略說五陰盛苦善男子真人道士是名  
 求不得苦爾時賢智真人白天尊言如尊所  
 說五陰盛苦是義不然何以故如天尊往時  
 告富子元若色苦者凡夫衆生不應求色若  
 有求者則何名若如天尊告諸道士有受苦  
 受樂受不苦不樂如天尊先為諸道士女冠  
 善男子說若有能修行善法則得受樂又如  
 天尊說於善道中六染受樂眼好諸色是名  
 為樂耳好諸聲是名為樂鼻好諸香是名為

樂古好諸味是名為樂身受細滑是名為樂  
 意好榮華是名為樂六味好法皆悉受苦天  
 尊即為而說偈曰

持戒為歡樂 身不受眾苦 誦詠元陽品  
 名入不死戶 如是怨憎會 聞經病自愈

念法愛淨心 魔鬼不得腐 轉輪為聖王  
 因緣作慈父 慎莫行惡心 有惡傾天主

若能慈衆生 以法為梁柱 晝夜常恭敬  
 願去三官府 真人及道士 精心鳴法鼓

晚悟六道中 常與法為伍 大乘是世界  
 天堂為淨土 一切罪根盡 皆由我規矩

天尊說偈已如諸經中所說事相其義如是  
 賢智真人等既聞斯義了然解悟稽首作禮  
 辭退而去

太上靈寶元陽妙經卷之一

太上靈寶元陽妙經卷之二

聖行品下

皇三

爾時高上玉晨天尊告元陽定光真人曰我  
 觀一切諸法皆悉无常性相不定若有諸法  
 從因生者則是无常是諸仙人無有一切不  
 因緣生善男子道性無隱無顯無生無滅無  
 去無來非見在非未來非過去非因所作非  
 緣所生是故名常善男子道性即是天尊天  
 尊即是法法即是常善男子常者即是天尊  
 天尊即是真人真人是常道性是常以是義  
 故從因生法不名為常是諸下仙之人無有  
 一切不從因生善男子是諸下仙之人不見  
 道性天尊妙法是故下仙之人所可談說皆  
 悉妄語無有真實一切衆生先見衣服卧具  
 車乘象馬城郭聚落後見相似便言是常當  
 知其實非是常耳善男子一切有為之法皆  
 是無常虛空无為是故為常道性无為是故  
 為常虛空者即是道性道性者即是天尊天  
 尊者即是无為无為者即是常樂常樂者即  
 是法法者即是无為无為者即是常樂善男

子有為之法凡有二種一者色法二者非色法非色法者心心數法色者地水火風善男子心名无常何以故性是攀緣相應分別故善男子眼識性異乃至意識性異是故无常善男子色境界異乃至法境界異是故无常善男子眼根相應異乃至意識相應異是故无常善男子心若常者眼根應獨緣一切法善男子若眼根識異根識異則知无常以法相似念念生滅凡夫見已計之為常善男子諸因緣相可毀壞故亦名无常所謂因眼因色因光因明因思惟生於眼識耳識生時所因各異非眼識因緣乃至意識異亦皆如是復次定光真人諸善男子懷諸行因緣故心名无常所謂修无常心異修苦空無我心異心若常者應常修无常尚不得觀苦空無我况復得觀真常之樂以是義故下仙法中不能攝取真常之樂善男子當知心法必定无常復次善男子心性異故名為无常所謂邪見邪疑之人心性殊異不信真法不敬真人不崇有道作諸惡心善男子應知用心

之法有三種心一者出家心二者在家心三者在家遠離心樂相應心異苦相應心異不苦不樂相應心異貪欲相應心異瞋恚相應心異愚癡相應心異一切邪見邪魔心相應亦異所謂愚癡相應心異疑惑相應心異邪見相應心異動止運為其心亦異善男子心若真常者亦復不能分別諸色所謂玄黃朱紫赤白之色善男子心若常者諸憶念法不應忘失善男子心若常者凡所讀誦不應增長復次善男子心若常者不應說言已作今作若有已作今作當知是心必定无常善男子心若常者則無怨親非怨非親心若真者則不應言我物他物若生若滅心若真者雖有所作不應長善男子以是義故當知心性各各別異有別異故當知無真善男子我今於此非色法中演說无真其義已顯復當為汝說色無真是色無真本無有生已滅故故知無真凡夫無知計以為真以是義故名曰無真若無真即是無苦若無苦即是不淨善男子我昔於元始之運先問斯事因得了

然復次善男子諸法無我總一切事謂色非色非我也何以故可毀可滅可破可壞生增長故我者不可毀滅破壞增長以是義故知色非我非色之法亦復非我何以故攀緣生故善男子若諸邪見以專念故知有我者專念之性實非我也若以專念為我性者過去之事則有忘失故定知無我善男子若諸邪見以憶想故知有我者無憶想故定知無我如說見人手有六指即復問言我先何處共相見邪若有我者不應復問以相問故定知無我善男子若有邪見以遮故知有我者善男子以有遮故定知無我如言童子者我亦如是若定是我終不遮我以遮我故定知無我若以遮故知有我者汝今不遮定應無我善男子若諸邪見以伴非伴知有我者以無伴故應無有我無法無伴所謂天尊空虛道性我亦如是實無有伴以是義故定知無我復次善男子若諸邪見以名定故知有我者無我法中亦有我名如貧賤人名字富貴如言我死若我則殺我而我實不可

殺假名殺我亦如座人名為長者以是義故  
 定知無我復次善男子若諸邪見以生已求  
 乳知有我者善男子若有我者一切嬰兒不  
 應執持不淨以是義故定知無我復次善男  
 子一切衆生於三法中悉有等智所謂姦姪  
 飲食恐怖是故無我若諸邪見以相貌故知  
 有我者相故無我無相故亦無我若人睡時  
 不能進止俯仰視瞬不知苦樂不應有我若  
 以進止俯仰視瞬知有我者機關木人亦應  
 有我善男子亦不進不止不俯不仰不視不  
 瞬不苦不樂不貪不恚不癡不行真道如是  
 真實有我若諸衆生邪見以見他食果口必  
 生咨知有我者善男子以憶念故見則生咨  
 咨非我也我亦非咨非喜非樂以是義故定  
 知無我善男子如是衆生癡如小兒不解智  
 慧無有方便不能了達常與无常苦與无苦  
 樂與無樂淨與無淨我與無我壽命非壽命  
 衆生非衆生於道法中取少許分虛妄計有  
 真常之樂而實不知真常之樂如生盲人  
 識乳色便問他言乳色何似他人答言乳色

白如盲人復問是乳色者如貝聲邪答言  
 不也復問貝為何似邪答言如稻米味盲人  
 復問乳色柔軟如稻米味邪稻米味者復何  
 所以答曰如雪盲人復言彼米味者冷如雪  
 邪雪復何似答言猶如白鶴是生盲人雖聞  
 如是譬喻終不能得識乳真色是諸邪見衆  
 生亦復如是終不能識真常之樂以是義故  
 我道法中有真常之義非於邪見爾時定光  
 真人復白天尊言希有大師於今過去方便  
 更轉无上法輪乃作如是分別真常天尊告  
 定光真人汝今云何故於大師生過去想善  
 男子大師實是真常不變不過去若有計我  
 是法成无上正真大道我即是法法是我身  
 我即是道道是我身我即大師大師即是我  
 身我即真仙真仙即是我身我能說法令他  
 聽受我轉法輪餘人不能大師終不作如是  
 計是故大師不轉法輪若有人作如是妄計  
 我即是眼眼即是我身口意耳鼻亦復如是  
 我即是色色是我身乃至真法亦復如是我  
 即是地地即我身地水火風亦復如是若人

計言我即是言言是我身我是多聞多聞即  
 是我身我是布施布施即是我身我是持戒  
 持戒即是我身我是忍辱忍辱即是我身我  
 是靜定靜定即是我身我是精進精進即是我  
 身我是智慧智慧即是我身我是六念處  
 其六念處即是我身四種正勤四種如意五  
 心淨分八聖道分亦復如是善男子大師終  
 不作如是計是故大師不轉法輪若言常住  
 無有變改云何說言大師轉法輪是故汝今  
 不應說言大師方更轉上法輪善男子譬如  
 因眼綠色緣明緣思惟因緣和合得生眼識  
 善男子眼不念言我能生識乃至思惟終不  
 念言我生眼識亦復不作念言我能自生如  
 是等法因緣和合得名為見善男子天尊亦  
 爾因六度行七種之法曉了諸法復因咽喉  
 唇齒口舌言語音聲初始說法名轉法輪以  
 是義故天尊不名轉法輪也善男子若不轉  
 者即名為法法即大師善男子譬如因煙因  
 鑽因手因草而得生火煙亦不言我能生火  
 鑽手草草各不念言我能生火火亦不言我

5-11 A (301)

能自生天尊亦爾因六度行乃至名轉法輪  
天尊亦復不念言我轉法輪善男子若不  
生者是則名為轉正法輪是轉法輪即名天  
尊大師善男子譬如因酪因水因鑽因餅因  
繩因人而得出酥酪不念言我能出酥乃至  
人手亦不念言我能出酥酥亦不言我能自  
生因緣混合故得出酥天尊亦爾終不念言  
我轉法輪善男子若不出者是則名為轉正  
法輪是轉法輪即是天尊善男子猶如因子  
及地水火風沃壤時節因人作業而牙得生  
善男子子亦不言我而能生牙乃至作業亦  
不念言我能生牙牙亦不言我能自生天尊  
亦爾必不念言我轉法輪善男子若不作者  
則名為轉法輪是轉法輪即是天尊善男子  
猶如因鼓因空因皮因人因緣混合出於音  
聲鼓不念言我能出聲乃至因緣亦復如是  
聲亦不言我能自生善男子天尊亦爾終不  
念言我轉法輪善男子轉法輪者名為不作  
者即是天尊善男子轉法輪者乃是諸仙大  
師境界非諸弟子所知善男子虛空非生非

出非造非作非有為法天尊亦爾非生非出  
非造非作非有為法如大師性道性亦爾非  
生非出非造非作非有為法善男子諸仙大  
師之語有二種義一者世間語二者出世間  
語善男子天尊為諸弟子說世間語為諸真  
人說出世間語善男子是諸大眾之中復有  
二種一者求於小乘二者求於大乘我於昔  
日於元陽世界為諸仙弟子轉於法輪今者  
始於甘露城中為諸真人轉大法輪復次善  
男子有諸二人中根上根為中根人於元陽  
世界轉於法輪為上根人中法王定光真人  
等今於甘露城中轉大法輪廣開法幢為大  
利根善男子極下根者天尊終不為轉法輪  
極下根者即是邪魔愚癡之輩復次善男子  
求无上道者復有二種一者中心精進二者  
上心精進於元陽經中我能精進轉於法輪  
今於此城為上心精進轉大法輪復次善男  
子我往昔時於彼甘露城初轉法輪八萬真  
人得自然道果今於此城八千萬億人心無  
退轉於正真道中皆獲清淨復次善男子甘

露城中元陽真人稽首請我轉於法輪今於  
此城定光真人稽首請我復轉法輪復次善  
男子我昔於彼甘露城轉法輪時演說无常  
苦空常樂今於此城轉法輪時如實演說真  
常之樂復次善男子我昔於彼甘露城轉法  
輪時所出音聲聞于大羅之上天尊今復於  
此城轉法輪時所出音聲徧於空歌國土九  
天恒河世界東西南北四維上下亦復如是  
善男子諸天真入凡有所說皆悉名為轉法  
輪也善男子譬如國王有所高慢不生信敬  
未降伏者能令降伏已降伏者能令信法得  
於安穩善男子諸天真入凡有所說亦復如  
是无量煩惱未調伏者能令調伏已調伏者  
令生信向作諸善根譬如國王所有輕慢則  
能降伏信向真道天尊演法亦復如是能令  
一切諸煩惱賊皆悉清淨俱得寂定復次善  
男子譬如國王所有輕慢下上輪迴天尊說  
法亦復如是能令下趣諸惡眾生上生人天  
乃至真道善男子是故汝今不應讚言天尊  
於此更轉法輪爾時元陽定光真人白天尊

言我於此義非為不知所以問者為欲利益諸眾生故我以久知轉法輪者實是諸天人境界非是邪見之人所能齊等爾時天尊告元陽真人善男子是名真人住於大乘得道之人所行聖行元陽真人曰天尊言復以何義名為聖行

天尊告曰善男子聖者即是天尊以是義故名為聖行天尊若是諸真人之所行者則非邪見所能修行善男子是諸天尊安住於此元陽官中而作如是開示分別演說其義以是義故名曰聖行及諸眾生邪見之人如是聞已則能奉行故名聖行善男子是諸真人道士得是行已則得住於無所畏地善男子若有真人道士得住如是無所畏地則不復畏貪嗔煩惱生老病死亦復不畏惡道地獄餓鬼畜生之報善男子惡有三種一者邪婬恣意輕慢經實二者誹謗善人不信有道三者犯五逆四重善男子住是地中諸真人道士終不畏墮如是惡處亦復不畏天魔惡鬼魑魅魍魎亦復不畏受諸汙穢苦惱悲酸是

故此地名為無畏善男子真人道士百姓子等住是地中皆得无上正真大道自然福樂安穩之處善男子既得真道能壞地獄有能无退真道能壞畜生有得心樂真道能壞餓鬼有得飽滿真道能壞天魔有得朝伏真道能斷黑闇有得光明真道能斷寒冰夜庭有得溫暖真道能斷邊夷皆生中國真道能斷閻浮提皆得清淨無憂國土真道能斷諸天魔王皆信經法善男子是知真道能為一切眾生作大法眼能為一切眾生作大法幢能為一切眾生作大法航能為一切眾生作大法炬善男子當知真道即是天尊法王令諸眾生隨意即得欲知三千大千世界所有眾生心知所念亦悉能知欲以三千大千世界所有眾生內於己身一毛孔中隨意即能亦令眾生心無迫想若欲化作无量眾生悉令充滿三千大千世界中者亦能隨意能分一身以為諸身復合諸身以為一身雖作如是意無有著猶如寶華善男子真人道士得入如是真道法王已即得住於自在之地真人

道士住是自在地者得自在力隨欲生處即得往生善男子譬如聖王領四天下隨意所至無能障礙真人道士亦復如是一切生處若欲生者隨意往生善男子真人道士若見地獄一切眾生有可教化令住善根者且入即時往生其中真人雖生非本業果真人道士住自在地有因緣故而生其中善男子真人道士雖在地獄不受諸苦善男子真人道士所可成者如是善根无量无边恒河億數尚不可說何況天尊威力功德福田而不測量爾時眾中有一真人名曰賢智有大威德成就神通得大總持法相具足得無畏懼即從座起前進作禮長跪執板白言如天尊所說諸真人道士所可成就功德智慧无量无边百千萬億實不可說我意猶謂故不如是元陽經典何以故因是元陽大乘經力故能出生諸天尊无上正真大道爾時天尊讚言要乎深矣不可思議善男子如是如是如汝所說是諸大聖微妙經典雖復成就无量功德欲比是經不得為喻百倍千倍无量无边

【(05)A】

恒河沙數不可譬喻善男子譬如從牛出乳  
從乳出酪從酪生酥從酥生甘美味若有  
服者眾疾皆愈所有諸藥悉入其中善男子  
天尊亦復如是從天尊出元陽妙經從元陽  
妙經出大道法從大道法出精進法從精進  
法出忍辱持戒法從忍辱持戒法出自然道  
果自然道果即是甘美味所言甘美味味  
喻於道性道性者即是天尊善男子以是義  
故說言天尊所有善根恒河沙數不可稱計  
賢智真人白天尊言如天尊所說元陽妙經  
猶如甘美味最為微妙若有凡夫衆生能  
服病自除愈一切諸藥悉入其中我聞是已  
竊復思念若有不能聽受是經當知是人為  
大愚癡無有善心天尊我於今者實能盡心  
盡意書寫如是元陽妙經受持讀誦令其痛  
利然後為人廣說其義天尊若有衆生貪著  
財物我當施財然後以是元陽妙經勸之令  
讀若專貴者先以軟語隨順其心然後漸當  
以是元陽妙經勸之令讀若凡愚者當以威  
勢逼之令讀若驕慢者為作僕使隨順其心

令其歡喜然後復以元陽妙經而教導之若  
有毀謗大乘經者當以威力迫之令伏既威  
伏已然後勸令讀誦元陽妙經若有願樂真  
道經者我今應當躬往恭敬供養尊重彈指  
讚歎爾時天尊讚賢智真人善哉善哉汝今  
愛念真道經典食真道經樂真道經信敬受  
持供養禮拜善男子汝今以此善心因緣當  
得超元量无边恒河沙數真人道士成无上  
正真自然之果汝亦不久復當如我廣為大  
衆解說如是元陽妙經天尊所演秘密之藏  
善男子乃至過去天尊未出我於爾時作精  
進修天王修真人行悉能通達一切仙人所  
有經論修真常行具足威儀其心清淨不為  
邪見能生怨想之所破壞滅真癡火受持福  
業真常之樂周徧求索大乘妙典乃至不聞  
元陽經名字我於爾時住於妙樂之山其山  
清淨流泉地沼樹木甘果茂盛其地處處充  
滿崖石之間有清流多諸香華周徧昇域  
鶯禽歌不可日名甘果繁蔚種種芬蕊復  
有無量香根我於爾時獨處其中准食諸果

香根食已繫心思惟精進忍辱之行无量歲  
中亦不聞有天尊出世微妙經名善男子我  
修如是難行之行時彼天人等心大驚怖即  
共集會各各相謂而說偈言  
天尊說至典 出法演元陽 號為衆生父  
功德莊嚴王 斷除貪惑行 消滅愚癡狂  
清淨妙樂山 道遙甘露場  
爾時衆中有一天王名曰普慧復說偈言  
如是諸真人 清淨為第一 善解大乘義  
深能知秘密 若有求至道 當除意遊逸  
體達苦空行 永無煩惱疾  
爾時復有一仙人名曰定光而說偈言  
至法體玄妙 寂寞理難窺 自非總持者  
誰曉元始儀 今得聞此教 可以樹良規  
斷除諸惡業 闢出入元為  
說是偈已諸其人天王言我今讚歎說偈語  
請天尊為其賢士并諸衆生不為己身為欲  
利益諸凡夫衆生而修種種元量苦行如是  
之人見生死中諸過故設見珍現滿此地  
上諸山大海不生貪樂如是真機如是賢士

棄捨珍寶所愛妻兒骨肉髓腦肢體手足所居屋室牛馬車乘亦不願求生於天上唯願一切得於歡樂如我所解如是賢士清淨無染眾結永盡唯欲志求无上正真大道自然之果復作是言如汝言者是人則為攝取一切世間有道樹者能除煩惱毀謗若諸眾生住是道樹蔭涼中者煩惱諸業皆得消滅若當未來世中作善逆者我等悉當得滅无量煩惱如是之事實為難信何以故一切眾生發自然道意見少微緣於自然意中即便動轉如水中月水動則動猶如畫像難成易壞自然道意亦復如是難發易壞如有多人以諸鐵甲牢自莊嚴欲往討賊臨行陣時心生恐怖則便退走一切眾生亦復如是發自然道意徒自堅牢見生死過心生憂怖即便退悔我見如是一切眾生發心之後皆生動轉是故我今雖見是人專修苦行無煩無惱住於道中其行清淨未能信也我今要當自往試之如其真實堪任荷負正真大道自然重擔譬如車有雙輪則有載用鳥有兩翼堪任

飛行修苦行者亦復如是我雖見其堅持禁戒未審其人有智慧不若有智慧則能堪任荷負正真大道自然之擔又如魚母多有胎子成就者少又如樹華多實少眾生發心求真无量及其終始少不足言真人我當共汝俱往試之猶如真金三種試之乃知堪燒打磨試彼苦行亦復如是爾是元陽真人自化其身變為猛獸形甚可畏下至妙樂之山去其不遠而便立住是時猛獸心無所畏勇健難當辯才第一音聲清雅宣揚過去天尊所說以偈頌曰  
諸行本元為 是其生滅法 轉輪寄因緣 雖捨還復合 當諦專一心 修持淨三業 正道可翹期 度脫於貧乏  
就是偽已便住其前所現形貌甚可怖畏顧盼左右觀於四方是苦行者聞說是偽心生歡喜譬如竊客於險難處夜行失伴恐怖憂違忽遇同侶心生歡喜踊躍无量亦如宿病未過良醫於儻歎頃忽遇妙藥病得除愈心生歡喜踴躍无量如人沒水過得舟航得度

彼岸心生歡悅亦復如是如人渴之忽遇醴泉恣意酣飲得無渴乏心生歡喜亦復如是如被冤家趁逐忽然得脫無諸煩惱心生歡喜亦復如是如囚詣市卒聞恩赦而得解脫心生歡喜亦復如是亦如農夫過旱忽便得雨而苗得長五穀豐熟心生歡喜亦復如是亦如人遠行忽便還家心生歡喜亦復如是善男子我於爾時聞此偈頌心生歡喜亦復如是即從座起四向顧盼而作是言向所聞偈誰之所演爾時四顧不見異物唯見猛獸即說是言誰開如是玄妙之門誰能雷震微妙音聲誰於生死眠睡之中而能曉了唱如是言誰能於斯間導生死飢餓眾生无上道味一切眾生迷淪苦海誰能於中作大船師一切眾生恒為煩惱疾病繫縲誰能於其中間為作良醫說是偽已啓發我心猶如半月漸見光明善男子我於爾時一無所見唯見猛獸復作是念將是猛獸說是偽邪心復生疑似非其說何以故是物形容甚可怖畏若有得聞是偈頌者一切怖畏醜陋即除何有

此物形容如是能說是偶不應大中遵生夜  
光芝草喜男子我於爾時復作念言我今无  
有智慧而此猛獸或能得見過去仙人從天  
專所聞如是偈頌我今當問即便前至是猛  
獸處作如是言善哉善哉汝於何所過是過  
去離怖畏者所說仍頌定於何所而得如是  
光明寶珠偈頌之義乃是過去未來見在元  
始天尊正真之道一切世間无量无边凡夫  
眾生常為疑惑羅網所覆終身於道法中不  
能得聞如是十方天尊所說玄義善男子我  
聞是已即答我言是大真士汝今不應問我  
是義何以故我不飲食已經多日種種求覓  
了不能得飢餓困苦心迷誑語非是本心之  
所知也我今力能飛行虛空處處求食而不  
能得以是之故我說是語善男子我時即復  
語猛獸言若能為我說是偈頌竟我當終身  
為汝弟子汝所說者名字不終義亦不盡以  
何因緣不欲說耶夫以財物珍玩布施者則  
有竭盡而法施因緣不可盡也法施無盡多  
所利益我今聞此偈頌心有疑惑汝今幸可

為我除斷說此偈竟我當終身為汝弟子猛  
獸語言汝今智太過物但自愛身都不見念  
今我定為飢餓困苦所逼實不能說我即問  
言汝所食者為是何物猛獸答言汝不須問  
我若說者令人怖畏我今復言此中險處更  
無有人我不畏汝何故不說猛獸答言我所  
食者唯人爇肉其所飲者唯人熱血自我所  
餐唯食人肉徧處求索困不能得世之多人  
皆有福德為諸天善神之所覆護而我無力  
不能得殺善男子我復語言汝但具足說此  
偈頌我聞偈頌已當以此身奉施供養猛獸  
我設命終如我之身無有所用當為惡蟲之  
所啖食而復不得一分之福我今為求无上  
正真大道之果捨不淨身以易淨身猛獸答  
言誰當信汝如是之言為真道故棄所愛身  
善男子我即答曰汝大無智慧如有人施他  
凡器而得真實我亦如是捨不淨身得堅固  
身汝言誰當信者我今有證无量天王等皆  
證此事復有天眼諸真人道士為欲利益一  
切眾生修行供養大乘經典具四等六慧者

亦能證知有十方天尊利益眾生亦能證我  
真道故捨此身猛獸復言汝若如是能捨身  
命當諦專心為汝分別說其偈頌善男子我  
於爾時聞是語已心中歡悅即解已身所著  
衣服為此猛獸敷置法座白言真人願上此  
坐我即於前長跪欽手而作是言唯願真人  
為我演說偈頌令得具足猛獸即說偈言  
生滅滅已盡 寂滅為常樂 優遊七寶臺  
徘徊四明閣 諸塵皆以滅 清淨無穢惡  
捨命受真身 善緣無愛著  
爾時猛獸說此偈已復作是言神仙法眾汝  
今已聞具足偈頌汝之所願為悉滿足必欲  
利益眾生可施我身我於爾時深付斯義然  
後種種書寫此偈繫著衣服恐今死後形體  
露現即緣大樹時樹中神復問我曰咄哉仁  
者有何事故時答曰我欲捨身以答偈頌神  
又言曰如是偈頌何所利益我時答言如是  
偈頌乃是元始天尊之所演說我為此法棄  
捨身命不為名聞利養財物但欲利益无量  
凡夫故捨此身善男子我捨身時而作是念



願令一切慳貪之人悉皆見我捨離此身若  
 有愛惜有噴嗚者亦令見我為一偈頌捨於  
 身命如葉葉穢我於爾時作是語已尋復捨  
 命自投樹下下未著地虛空之中出百種聲  
 爾時猛獸還復捨身於虛空之中捧接我身  
 安置平地元陽真人神仙眷屬稽首作禮於  
 我座前讚歎善哉真是賢智能大利益一切  
 眾生欲於無明之中燃大法火為我愛惜天  
 尊妙法故生煩惱唯願大德許今首悔懺謝  
 罪愆汝於未來必定成就无上正真大道自  
 然之果願見救度爾時真人及諸大眾一時  
 辭退忽然不見

太上靈寶元陽妙經卷之二

十九

太上靈寶元陽妙經卷之三

三

慈行品

爾時元始天尊於紫微瓊宮金暉玉殿九曲  
 之房元陽世界告妙樂真人汝今於此國土  
 修慈慈善住於恩愛一子之地妙樂真人稽  
 首禮拜上白天尊以何因緣名為恩愛一子  
 之地天尊曰猶如父母養兒安穩心生歡喜  
 善男子住此地中亦復如是觀諸眾生同於  
 一地見有修善生大歡悅是故此地名曰恩  
 愛猶如父母見子遇病心生憂惱初無棄捨  
 善男子住是地中亦復如是見諸凡夫一切  
 眾生為煩惱病之所縈纏心生憂惱哀愍如  
 子諸毛孔中皆流出血是故此地名為一子  
 之地如人小時拾取糞穢置於口中父母見  
 已心生恐怖恐為其患以水灌洗挑出糞穢  
 善男子住是地中亦復如是見諸凡夫一切  
 眾生身口意業多為不善真人見已則以智  
 手按之令出憐愍凡夫不欲令彼流浪生死  
 受諸煩惱是故此地名為一子猶如父母所  
 念之子忽遇疾病俄頃之間子便終沒父母

悲泣願與同命其人亦見一切眾生墮於三  
 塗亦願與其俱生地獄何以故是一切眾生  
 若受苦時或生一念改悔之意我即為說修  
 善方法彼於一念生善根是故此地復名一  
 子猶如父母唯有一子行住坐卧心常愛念  
 若有罪咎和聲軟語方便慰誘不加其惡真  
 人道士亦復如是見諸凡夫一切眾生墮三  
 惡道心生悲愍終不生瞋以惡加之是故此  
 地復名一子妙樂真人白天尊言如尊所說  
 其言秘密我今智短云何得解若諸真人住  
 一子地能如此者云何天尊普為甘露國王  
 時行真人行斷法龍長者之命若得此地則  
 應生心愛念凡夫若不得者復何因緣不墮  
 三惡若憐愍眾生等視一子心無偏愛如此  
 之言云何於義不相違背天尊住虛空地凡  
 欲求乞飲食要須觀人若有於已生嫉妬心  
 則不須行乃至極飢亦不行乞何以故真人  
 道士常作是念我憶往昔劫時於福田所生  
 一惡念以是因緣墮落地獄受諸苦惱我今  
 極飢終不乞食終不令彼於我有疑墮於地